



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKO VIJEĆE
Razvojni tim za izradu Strategije razvoja
općine Tešanj za period 2018-2022**

Broj: 01-49-2-438-24/17
Datum: 26.09.2017.godine

**Z A P I S N I K
sa sastanka Razvojnog tima za izradu Strategije razvoja
općine Tešanj za period 2018-2022**

Sastanak održan u utorak 26.09.2017.godine s početkom u 15,00 sati u Sali Općinskog vijeća

Na sastanku bili prisutni: Vođa RT Fuad Šišić, Adnan Lihčić, Senad Subašić, Saliha Smailbegović, Berina Merdić, Hamzalija Hojkurić Muhamed Džihčić, i tehnički sekretar Sajda Klepić.

Odsutna: Mirza Kotorić, Nadir Medarić, Asim Bašalić, Selma Bradarić, Edin Jabandžić, Mirsad Šaranović, Sabrija Kavazović, Adnan Šeljmi, Almina Alagić i Besim Sejdić (najavili odsustvo).

Dnevni red:

1. Dostava MEG timu na provjeru / mišljenje prednacrtu Strategije i ostalih dokumenata
2. Organizacija, monitoring i procjena rizika

Realizacija dnevnog reda:

Ad.1 MEG timu na provjeru / mišljenje se dostavljaju sljedeći dokumenti:

- Dokument Strategije - sa popunjenim svim poglavljima (prilog, prednacrt – uređen sadržaj, Sajda)
- Alat za koherentnost (prilog, nacrt)
- IFP - indikativni finansijski plan za 1+2 godine (prilog, nacrt) - Lista A
- Procjena sredstava za finansiranje Strategije za narednih 5 godina

Ad.2 Plan organizacionih i ljudskih kapaciteta za implementaciju, praćenje i vrednovanje strategije

Funkcija upravljanja razvojem do sada je bila u velikoj mjeri smještena u stručnoj službi općinskog načelnika, pod neposrednim vodstvom Općinskog načelnika, bez posebno sistematiziranih radnih mjesta. Osigurana je direktna komunikacija sa Općinskim načelnikom i periodični monitoring od strane Općinskog načelnika.

Analiza rizika ukazuje na potrebu institucionalnog jačanja organizacionih kapaciteta i uvođenje odjela (Odjel za realizaciju strategije razvoja) sa radnim mjestom (posebne kompetencije: organizacijske, komunikativne, reporting, postavljanje ciljeva, prioriteta – 1 ili 2 izvršioca), radi jačanja koordinacije i komunikacije sa drugim službama unutar Općine, javnim ustanovama i preduzećima, sa nevladinim sektorom ali i sa javnosti uopće. Uz to je veoma važno jačanje analitičke funkcije i uspostavljanje jedinstvene baze podataka za upravljanje lokalnim razvojem, jačanje funkcije praćenja i evaluacije projekata, uvođenje sistematskog upravljanja ljudskim resursima, uključivanje bitnih aktera na lokalnom nivou u razvojne procese, te povezivanje procesa strateškog planiranja sa planiranjem budžeta.

Ključnu operativnu ulogu u implementaciji, praćenju i vrednovanju strategije imaće novi odjel u Stručnoj službi Općinskog načelnika. Odjel za realizaciju strategije razvoja biće direktno zadužen za sve procese upravljanja razvojem, uključujući kontinuiranu vertikalnu i horizontalnu komunikaciju unutar općinskog organa, te sa ostalim bitnim akterima na području općine, uz potrebnu saradnju sa načelnikom općine. U saradnji sa drugim općinskim službama, Odjel za realizaciju strategije razvoja

koordiniraće pripremu i usklađivanje okvirnih i godišnjih programa rada službi i plana budžeta u skladu sa prioritetima iz strategije, kako bi se osigurala povezanost plana realizacije strategije sa finansijskim okvirom. Uz asistenciju Odjela za realizaciju strategije, svaki vođa projekta realizuje i prati svoj dio obaveze vezane za implementaciju, praćenje i vrednovanje Strategije razvoja za koji je zadužen, uključujući: izradu godišnjeg plana implementacije projekta, razradu svakog projekta uključujući indikatore za praćenje i vrednovanje, te izvještavanje.

U okviru aktivnosti eksterne koordinacije i komunikacije, izradiće se Plan komunikacije i promocije strategije, u saradnji sa stručnim saradnikom za informisanje, web i komunikacije iz Službe za opću upravu i društvene djelatnosti.

Važnu ulogu u implementaciji, praćenju i vrednovanju strategije imaće Partnerstvo za razvoj općine Tešanj, uspostavljeno 01.07.2017. godine potpisivanjem Zajedničke izjave o lokalnom razvojnom partnerstvu. Partnerstvo je veoma aktivno učestvovalo u procesu izrade strategije, omogućujući doprinos zainteresovanih lokalnih aktera kroz tri organizovana sastanka: razmatrajući nacrt strateške platforme na prvom sastanku, razmatrajući projekte za realizaciju sektorskih ciljeva na drugom sastanku, te razmatrajući nacrt sektorskih razvojnih planova na trećem sastanku, kada je usvojen i Poslovnik o radu Partnerstva za razvoj općine Tešanj.

Periodični monitoring nad realizacijom Strategije razvoja općine Tešanj će imati Općinsko vijeće i to:

Putem Komisije za monitoring nad realizacijom Srategie razvoja općine Tešanj (2 x godišnje)

Neposrednim razmatranjem Informacije o realizaciji Strategije razvoja općine Tešanj (1 x godišnje)

Informaciju Općinskom vijeću podnosi Općinski načelnik a kao prilog dostavlja i Informaciju Komisije za monitoring.

Kontrolno vrednovanje implementacije strategije razvoja izvršiće se sa istekom petogodišnjeg perioda (2022), a finalno vrednovanje sa istekom perioda implementacije strategije (2027). Uz kontrolno vrednovanje izvršiće se redefinisavanje sektorskih razvojnih planova i provjera daljnje validnosti strateških ciljeva, dok će finalno vrednovanje poslužiti i kao podloga za novi ciklus strateškog planiranja.

Pripremljena tabela- Pregled osnovnih aktivnosti i odgovornosti za implementaciju strategije.

- Nakon izvršene analize, procjene rizika po kriterijima - vjerovatnoći, posljedicama, skali i očekivanim rizicima zaključeno je da je potrebno:
 1. Napraviti pregled zastoja u implementaciji projekata strateških ciljeva u periodu 2013-2017 zbog imovinsko-pravnih odnosa.
 2. Upoznati Općinsko vijeće sa informacijom.
 3. Zaključak OV o promjeni propisa uputiti vlasni, zastupnicima...

ZAKLJUČCI:

1. Do 29.septembra 2017.godine MEG timu dostaviti Prednacrt Strategije i ostale dokumente.
2. Da se održi sastanak Sektorskih timova u narednoj sedmici radi izjašnjenja o naknadi za rad u Timu.
3. Da se održi sastanak Partnerske grupe radi predavljanja prednacrta.
4. Poslovnik o radu Partnerske grupe- pripremiti prijedlog nacrta i uvrstiti u dnevni red sastanka PG.

Sastanak trajao do 17,50 sati.



Voda Razvojnog tima

Fuad Šišić